

p. 1226: -1【小乘三義簡】《阿毘達磨俱舍論》卷4〈2 分別根品〉：「大善地法，謂法恒於諸善心有。彼法是何？頌曰：信及不放逸，輕安捨慚愧，二根及不害，勤唯遍善心。」(T29, p. 19a27-b1)《俱舍論疏》卷4〈2 分別根品〉：「此釋大善法名，諸心所中有，唯是善不遍善心，謂欣、厭也。有遍善心非唯是善，謂大地法。有唯是善亦遍善心，謂信等十。有不遍善心及非唯是善，謂尋伺二、睡眠、惡作。唯染心所非善性故，善言已簡。」(T41, p. 528a19-24)《成唯識論疏抄》卷10：「小乘薩婆多師。有五義簡貪嗔癡：一者由貪嗔癡重。能發麤重身語惡業。二者由貪嗔癡與斷善根。作身強加行故。三者通六識故。疑慢等不通五也。四者是隨眠。五者通隨。謂隨逐有情。師謂行相闇昧。行相難知。由如睡眠。五者通五斷故者。即四諦下分別煩惱為四及見道下分別煩惱為四。及修道下為五部煩惱。合為五斷。亦名五門。以此五義釋貪嗔癡是根義也。今唯識起惡勝故言惑根。攝得俱舍中作斷善根身強加行。或攝得彼起極重身語業。或二俱攝得也。今疏中言小乘三義簡者。是疏主望分文也。今更加故。作五義簡。」(X50, p. 313c5-16)《阿毘達磨大毘婆沙論》卷47〈2 結蘊·1 不善納息〉：「此三為因、為根、為導、為集、為緣、為等起、為能作、為主、為本。故立為根。因者，如種故。根者，堅牢故。導者，能引故。集者，能生故。緣者，能助故。等起者，能發生故。能作者，能長養故。主者，能攝受故。本者，能為依故。復次，以此三法具五義故立不善根。餘法不爾。謂此三法通五部、遍六識、是隨眠性、能發麤惡身語業、斷善根時為強加行。通五部者，謂通見苦乃至修所斷，此簡五見及疑。遍六識者，謂眼識乃至意識相應，此簡慢。是隨眠性者，謂貪不善根是欲貪隨眠性，瞋不善根是瞋恚隨眠性，癡不善根是無明隨眠性，此簡諸纏煩惱垢等。能發麤惡身語業者。如契經說。貪瞋癡生一切

麤惡身語意業。斷善根時為強加行者。如施設論說。諸斷善根云何而斷？以何行相斷？謂如有一是極猛利貪瞋癡類乃至廣說。此二俱釋不善根義。」(T27, no. 1545, p. 242a7-23)

p. 1228 : -7【對法云】《大乘阿毘達磨雜集論》卷1〈1 本事分·1 三法品〉：「勤者，被甲、方便、無下、無退、無足。心勇為體，成滿善品為業。謂如經說：有勢、有勤、有勇、堅猛，不捨善軌。如其次第。應配釋被甲、心勇等諸句。滿善品者，謂能圓滿隨初所入根本靜慮。成善品者，謂即於此極善修治。」(T31, p. 697c4-8)

p. 1228 : -4【能滿善】《成唯識論演秘》卷5：「或作善事至非要聖果者。隨因果位所修事畢。即名為滿。非唯聖極方得滿名。疏。若言勤至然此中者。問起生下。言然此中者意云。此中勤者是何勤耶？文省略也。」(T43, p. 914c15-18)

p. 1229 : 4【無覆淨】《大乘百法明門論開宗義決》：「染無記者即是有覆。淨無記者即是無覆。」(T85, p. 1085b17-18)《成唯識論訂正》卷7：「染淨無記者。有覆無記曰染。無覆無記曰淨。」(D23, p. 634b9-10)《中觀論疏》卷8〈17 業品(八本)〉：「無覆無記者，白淨無記也。」(T42, p. 120a4)

p. 1229 : 5【乍可名純】《成唯識論演秘》卷5：「乍可名純者。雖非是精。猶勝染法。名乍可純。」(T43, p. 914c19-20)「乍可」=「怎可」

p. 1229 : -5【顯揚】《顯揚聖教論》卷1〈1 攝事品〉：「如經說：起精進住有勢、有勤、有勇、堅猛、不捨善軌。」(T31, p. 481c10-11)

p. 1229 : -5【八十九云】《瑜伽師地論》卷89〈5 攝事分·1 契經事〉：「勤精進應知五種：一、被甲精進，二、加行精進，三、不下精進，四、無動精進，五、無喜足精進。此中最初，當知發起猛利樂欲；次隨所欲，發起堅固勇悍方

便；次為證得所受諸法，不自輕蔑，亦無怯懼；次能堪忍寒熱等苦；後於下劣不生喜足，欣求後後轉勝轉妙諸功德住。彼由如是勤精進住，入諦現觀，證得諸聖出世間慧。」(T30, p. 801c12-20)

p. 1230：-4【四種修】《阿毘達磨俱舍論》卷27〈7 分別智品〉：「因圓德復有四種：一無餘修，福德智慧二種資糧修無遺故。二長時修，經三大劫阿僧企[\*]耶修無倦故。三無間修，精勤勇猛剎那剎那修無廢故。四尊重修，恭敬所學無所顧惜修無慢故。」(T29, p. 141b12-16)《攝大乘論釋》卷8〈3 釋應知入勝相品·10 二智差別章〉：「論曰：由無量無數百千俱胝大劫中，依數數修習。

釋曰：此文顯三慧具四種修，不可以譬類得，知為無量。不可數知，為無數。百億為一俱胝，非一俱胝故言千，亦非一千故言百。非小劫故言大。此即明長時修、數數修習，即顯無間、恭敬、無餘三修。」(T31, p. 209a23-28)

p. 1230：-3【攝論第七】《攝大乘論釋》卷7〈5 彼入因果分〉：「精進三品者，一被甲精進、二加行精進、三無怯弱無退轉無喜足精進。」(T31, p. 421c28-29)

「被甲精進，謂最初時自勵：我當作如是事，即是解釋契經所說初『有勢』句。加行精進，謂加行時，如所意樂，勤修加行，即是解釋契經所說次『有勤』句。無怯弱、無退轉、無喜足精進，謂隨意樂所作善事，乃至安坐妙菩提座，終不放捨。於自疲苦，心不退屈，名無怯弱，於他逼惱，心不移動，名無退轉。乃至菩提，於其中間，進修善品，嘗無懈廢，名無喜足。如是三句，如數解釋契經所說，有勇、堅猛、於諸善法不捨輒句。」(T31, p. 422a18-27)

《大乘阿毘達磨雜集論》卷12〈2 決擇分·2 法品〉：「精進三種者，謂被甲精進、[2]方便精進、饒益有情精進。」(T31, no. 1606, p. 749c6-7)[2]方便 = 加行【三】【宮】。

p. 1230 : -3 【下第九卷】《成唯識論》卷 9 : 「精進有三種，謂被甲精進、攝善精進、利樂精進。」(T31, p. 51b11-12)

p. 1230 : -2 【十八任持】《大乘阿毘達磨雜集論》卷 12 〈2 決擇分·2 法品〉：  
「別云何？謂由十八種任持以顯六波羅蜜多差別。何等十八？謂身任持、心任持、善法任持、善任持、菩提任持、悲任持、不捨有情任持、捨下劣心任持、無生法忍任持、善根方便任持、善根圓證任持、善根無盡任持、無厭倦任持、諸所思事成滿任持、御眾業任持、證入大地任持、引發佛性任持、建立佛事任持。施等六種各三差別，如其次第，三三所攝。」(T31, p. 749b24-c3) 「善根無盡者，謂窮生死際，恒作一切有情利益安樂事，乃至於無餘涅槃界亦不棄捨，由饒益有情精進所任持故。」(p. 749c14-17) 《雜集論述記》卷 10 : 「十八任持。即經中初有勢句。加行精進謂善根圓證任持。由此加行能證菩提圓證之時。靡不由此。即無怯弱。行精進時。心有彼苦。無退屈故。他惱不動。名無退轉。無懈勤修。名無喜足。即經中云有勇、堅猛、不捨善軛。」(X48, p. 140b7-12)

p. 1230 : -2 【本地、菩薩地】《瑜伽師地論》卷 42 〈1 本地分·15 菩薩地〉：  
「謂九種相精進，名為菩薩精進波羅蜜多。一者、自性精進，二者、一切精進，三者、難行精進，四者、一切門精進，五者、善士精進，六者、一切種精進，七者、遂求精進，八者、此世他世樂精進，九者、清淨精進。」(T30, p. 525c7-11) 「云何菩薩一切精進？謂此精進略有二種。一者、依在家品精進，二者、依出家品精進。當知依此二品精進，各有三種。一、擐甲精進，二、攝善法精進，三、饒益有情精進。」(p. 525c16-19)

p. 1230 : -2 【決擇七十八】《瑜伽師地論》卷 78 〈2 攝決擇分·15 菩薩地〉：  
「世尊！如是六種波羅蜜多，各有幾種品類差別？善男子！各有三種。施三種

者，……精進三種者，一者、被甲精進，二者、轉生善法加行精進，三者、饒益有情加行精進。」(T30, p. 731b6-13)「若諸菩薩，通達精進平等之性，不由勇猛勤精進故自舉陵他，具大勢力，具大精進，有所堪能，堅固，勇猛，於諸善法終不捨軛，如是名為七種精進清淨之相。」(p. 732a25-29)

p. 1231 : 3【對法第八末、第九】《大乘阿毘達磨雜集論》卷 8〈2 決擇分·1 諦品〉：「又道有五種，謂資糧道、方便道、見道、修道、究竟道。如是五種，依道自性及眷屬，以顯道諦差別。資糧道者…」(T31, p. 734b23-26)卷 9〈2 決擇分·1 諦品〉：「云何見道？若總說，謂世第一法無間無所得三摩地鉢羅若及彼相應等法。由無分別奢摩他、毘鉢舍那等為體相故。…」(pp. 734c28)

p. 1231 : -4【二加行】《成唯識論》卷 9：「近見道故立加行名，非前資糧無加行義。」(T31, p. 49a29-b1)《瑜伽論記》卷 18〈2 攝決擇分·7 聞所成慧地(一八上)〉：「加行有二。一、遠加行即名資糧道；二、近加行即名方便道。欲令二加行道得清淨，引正斷道故，更說安立。」(T42, p. 709b10-13)《成唯識論觀心法要》卷 9：「然資糧加行。名別義通。以前位中。亦有加行之義。今此位中。亦具資糧之義。但加行約近立名。資糧約遠立名耳。」(X51, p. 424c13-15)

p. 1231 : -4【四道】四道。一、方便道(加行道)，二、無間道，三、解脫道，四、勝進道。《瑜伽師地論》卷 69〈2 攝決擇分·13 聲聞地〉：「修此智略有四道：一、方便道，二、無間道，三、解脫道，四、勝進道。」(T30, p. 683a8-10)

參考本書 p. 2024+2025

p. 1232 : 2【有漏麤重】《成唯識論了義燈》卷 5：「麤重縛者。總攝諸文麤重有四：一現行有漏諸心心所。即雜集說二十四麤重。二現行二障。三二障種子。四二障習氣。或可現行。通說有漏三性心法。種子應然。以善無記種子。麤重

義稍隱故。諸略不說。」(T43, p. 748b28-c4)《大乘阿毘達磨雜集論》卷10〈2 決擇分·1 諦品〉：「云何名一切麤重？略說有二十四種，謂一切遍行戲論麤重、領受麤重、煩惱麤重、業麤重、異熟麤重、煩惱障麤重、業障麤重、異熟障麤重、蓋麤重、尋思麤重、飲食麤重、交會麤重、夢麤重、病麤重、老麤重、死麤重、勞倦麤重、堅固麤重、麤麤重、中麤重、細麤重、煩惱障麤重、定障麤重、所知障麤重。如是二十四種，略攝一切麤重。」(T31, p. 742a19-26)

p. 1232: 4【對法、顯揚】《大乘阿毘達磨雜集論》卷1〈1 本事分·1 三法品〉：「安者，止息身心麤重、身心調暢為體，**除遣一切障礙**為業。除遣一切障礙者，謂由此勢力依止轉故。」(T31, p. 697c9-11)《雜集論述記》卷3：「述曰：麤重者，所除染，剛強不安，障定之法。調暢者，安之果，安令身心調和適暢。此說通業，隨其所應，除諸障礙，別作用者，對治昏沉。述曰：由輕安力，除障定法，調暢身心，勝依止起。」(X48, p. 45c19-23)《顯揚聖教論》卷1〈1 攝事品〉：「輕安者，謂**遠離麤重**、身心調暢為體。斷麤重障為業，如前乃至能增長輕安為業。如經說：適悅於意，身及心安。」(T31, p. 481c12-14)

p. 1232: 4【對法第十】《大乘阿毘達磨雜集論》卷10〈2 決擇分·1 諦品〉：「由身念住趣入苦諦，所有色身皆行苦相，麤重所顯故。是故修觀行時能治，此輕安於身差別生故。」(T31, p. 739b21-23)

p. 1232: 8【能障定法、煩惱、受數】如本書 p. 44。《成唯識論述記》卷1：「問：定障是何？答：據實，通取染污心·心所能障定者。隨勝，但取異熟生受。以何為證？雜集論說：由受盡故得二無為。即其證也。此約離煩惱外異熟受。說得其無為。若煩惱俱者。與彼同斷。」(T43, p. 235b8-12)

p. 1234: 1【順正理】《阿毘達磨順正理論》卷11〈2 辯差別品〉：「專於己利，

防身語意，放逸相違，名不放逸。」(T29, p. 391a21-22)《俱舍論疏》卷4〈2分別根品〉：「《正理論》云「專於己利，防身、語、意。放逸相違，名不放逸。」述曰：己利即是三乘涅槃及世愛果。是己所專，舉所依也。防身、語、意，舉作用。放逸相違，明所治。」(T41, p. 528b1-5)《阿毘達磨俱舍論》卷4〈2分別根品〉：「不放逸者，修諸善法，離諸不善法。復何名修？謂此於善專注為性。餘部經中有如是釋。能守護心名不放逸。」(T29, p. 19b4-6)

p. 1236 : 7+8【問、答】《成唯識論演秘》卷5：「疏。問何故此中以無貪為首者。其難意云。前標不放以勤為初。何故後結無貪為首？疏。答以前至從近而結者。此答意云：依次前云若善依持之文結故。無貪為首。」(T43, pp. 914c28-915a2)